

瑜伽師地論

古籍
第四十三

二百廿七
惡三

49033



元祿九年丙子二月日重修

皇圖瑛圖 帝潛徽昌

佛日增輝 轉崇轉

山城州天安寺法金剛院置

瑜伽師地論卷第四十三

彌勤菩薩說

沙門玄奘奉詔譯



愿

本地分中菩薩地第十五

初持瑜伽處靜慮品第十三

云何菩薩靜慮波羅蜜多。暹柁南曰

自性一切難 一切門善士 一切種遂求

二世樂清淨 如是九種相 名略說靜慮

謂九種相靜慮名為菩薩靜慮波羅蜜多

者自性靜慮二者一切靜慮三者難行靜慮

四者一切門靜慮五者善士靜慮六者一切

種靜慮七者遂求靜慮八者此世他世樂靜

慮九者清淨靜慮

云何菩薩自性靜慮謂諸菩薩於菩薩藏聞
思為先所有妙善世出世間心一境性心正
安住或奢摩他品或毗鉢舍那品或雙運道
俱通二品當知即是菩薩所有靜慮自性

云何菩薩一切靜慮謂此靜慮略有二種一

者世間靜慮二者出世間靜慮當知此二隨

惡

瑜伽師地論四十三

其所應後有三種一者現法樂住靜慮二者

能引菩薩等持功德靜慮三者饒益有情靜

慮若諸菩薩所有靜慮遠離一切分別能生

身心輕安最極寂靜遠離憍舉離諸愛味泯

一切相當知是名菩薩現法樂住靜慮若諸

菩薩所有靜慮能引能住種種殊勝不可思

議不可度量十力種姓所攝等持如是等持
一切聲聞及獨覺等不知其名何況能入若
諸菩薩所有靜慮能引能住一切菩薩解脫
勝處徧處無礙解無諍願智等共諸聲聞所
有功德當知是名能引菩薩等持功德靜慮
菩薩饒益有情靜慮有十一種如前應知謂
諸菩薩依止靜慮於諸有情能引義利彼彼
事業與作助伴其有苦者能為除苦於諸有
情能如理說於有恩者知恩知惠現前酬報
於諸怖畏能為救護於喪失處能解愁憂於
有匱乏施與資財於諸大眾善能匡御於諸
有情善隨心轉於實有德讚美令喜於諸有

過能正調伏為物現通恐怖引攝如是一切
捨名菩薩一切靜慮此外無有若過若增

云何菩薩難行靜慮謂此靜慮略有三種若

諸菩薩已能安住廣大殊勝極善成熟多所

引發諸靜慮住隨自欲樂捨彼最勝諸靜慮

樂惡愆有情故等觀無量利有情事為諸有情

瑜加師地論三

義利成熟故意思擇還生欲界當知是名菩

薩第一難行靜慮若諸菩薩依止靜慮能發

種種無量無數不可思議超過一切聲聞獨

覺所行境界菩薩等持當知是名菩薩第二

難行靜慮若諸菩薩依止靜慮速證無上正

等菩提當知是名菩薩第三難行靜慮

云何菩薩一切門靜慮謂此靜慮略有四種
一者有尋有伺靜慮二者喜俱行靜慮三者
樂俱行靜慮四者捨俱行靜慮

云何菩薩善士靜慮謂此靜慮略有五種一
者無愛味靜慮二者慈俱行靜慮三者悲俱
行靜慮四者喜俱行靜慮五者捨俱行靜慮
云何菩薩一切種靜慮謂此靜慮六種七種
捨十三種言六種者一者善靜慮二者無記
變化靜慮三者奢摩他品靜慮四者毗鉢舍
那品靜慮五者於自他利正審思惟靜慮六
者能引神通威力功德靜慮言七種者一者
名緣靜慮二者義緣靜慮三者止相緣靜慮

四者舉相緣靜慮五者捨相緣靜慮六者現法樂住靜慮七者能饒益他靜慮如是十三種名為菩薩一切種靜慮

云何菩薩遂求靜慮謂此靜慮略有八種一者於諸毒藥霜雹毒熱鬼所魅等種種災患

能息能成咒術所依靜慮二者於界互違所

惡 瑜伽師地論四三

生象病能除靜慮三者於諸饑饉大災旱等

三

現在前時興致甘雨靜慮四者於其種種人非人作水陸怖畏能正拔濟靜慮五者於乏飲食墮在曠野諸有情類能施飲食靜慮六者於乏財位所化有情能施種種財位靜慮七者於十方界放逸有情能正諫誨靜慮八

者於諸有情隨所生起所應作事能正造作
靜慮

云何菩薩此世他世樂靜慮謂此靜慮略有
九種一者神通變現調伏有情靜慮二者記
說變現調伏有情靜慮三者教誡變現調伏
有情靜慮四者於造惡者示現惡趣靜慮五
者於失辯者能施辯才靜慮六者於失念者
能施正念靜慮七者制·造·建·立·無·顛·倒·論·微
妙讚頌摩怛理迦能令正法久住靜慮八者
於諸世間工巧業處能引義利饒益有情種
種書算測度數印牀座傘屨如是等類種種
差別資生象具能隨造作靜慮九者於生惡

趣所化有情為欲暫時息彼眾苦放六光明
照觸靜慮

云何菩薩清淨靜慮謂此靜慮略有十種一
者由世間淨離諸愛味清淨靜慮二者由出
世淨無有染汙清淨靜慮三者由加行淨清

淨靜慮四者由得根本淨清淨靜慮五者由

思 瑜伽師地論四十三

根本勝進淨清淨靜慮六者由入住四出自在

淨清淨靜慮七者捨靜慮已復還證入自在

淨清淨靜慮八者神通變現自在淨清淨靜

慮九者離一切見趣淨清淨靜慮十者一切

煩惱所知障淨清淨靜慮

如是靜慮無量無邊能得菩薩大菩提果菩

薩依此圓滿靜慮波羅蜜多能於無上正等
菩提速疾已證當證今證

本地分中菩薩地第十五

初持瑜伽處慧品第十四

云何菩薩慧波羅蜜多涅槃南曰

自性一切難

一切門善士

一切種遂求

二世樂清淨

如是九種相

是名略說慧

謂九種相慧名為菩薩慧波羅蜜多一者自

性慧二者一切慧三者難行慧四者一切門

慧五者善士慧六者一切種慧七者遂求慧

八者此世他世樂慧九者清淨慧

云何菩薩自性慧謂能悟入一切所知及已

悟入一切所知簡擇諸法普緣一切五明處
 轉一內明處二因明處三醫方明處四聲明
 處五工業明處當知即是菩薩一切慧之自
 性云何菩薩一切慧當知此慧略有二種一
 者世間慧二者出世間慧此二略說復有三
 種一能於所知惡真實隨覺通達慧二能於如
 所說瑜伽師地論四十三五明處及三聚中決定善巧慧五三能作
 一切有情義利慧若諸菩薩於離言說法無
 我性或於真諦將欲覺寤或於真諦正覺寤
 時或於真諦覺寤已後所有妙慧最勝寂靜
 明兮現前無有分別離諸戲論於一切法悟
 平等性入大捨相究達一切所知邊際遠離

增益損減二邊順入中道是名菩薩能於所知真實隨覺通達慧若諸菩薩於五明處決定善巧廣說如前力種姓品應知其相及於三聚中決定善巧謂於能引義利法聚能引非義利法聚能引非義利非非義利法聚皆如實知於是八處所有妙慧善巧攝受能速圓滿廣大無上妙智資糧速證無上正等菩提能作一切有情義利慧有十一種如前應知即於彼位所有妙慧當知是名饒益有情慧云何菩薩難行慧當知此慧略有三種若諸菩薩能知甚深法無我智是名第一難行慧若諸菩薩能了有情調伏方便智是名第

二難行慧若諸菩薩了知一切所知境界無障礙智是名第三最難行慧

云何菩薩一切門慧當知此慧略有四種謂於聲聞藏及菩薩藏所有勝妙聞所成慧思所成慧於能思擇菩薩所應作應隨轉中及菩薩所不應作應止息中思擇力所攝慧及

惠

瑜伽師地論四十三

六

修習力所攝三摩沓多地無量慧

云何菩薩善士慧當知此慧略有五種一聽聞正法所集成慧二內正作意俱行慧三自

他利行方便俱行慧四於諸法法住法安立無顛倒中善決定慧五捨煩惱慧復有異門一微細慧悟入所知如所有性故二周備慧

悟入所知盡所有性故三俱生慧宿智資糧
所集成故四具教慧能於諸佛已入大地諸
菩薩衆所開法義具受持故五具證慧從淨
意樂地乃至到究竟地所攝受故

云何菩薩一切種慧當知此慧六種七種
十三種六種慧者謂於諸諦苦智集智滅智
道智於究竟位盡智無生智是名六慧七種
慧者謂法智類智世俗智神通智相智十力
前行智四道理中正道理智

云何菩薩遂求慧當知此慧略有八種一依
法異門智所謂菩薩法無礙慧二依法相智
所謂菩薩義無礙慧三依法釋辭智所謂菩

薩釋辭無礙慧四依法品類句差別智所謂
菩薩辨才無礙慧五菩薩一切摧伏他論慧
六菩薩一切成立自論慧七菩薩一切正訓
營為家屬家產慧八菩薩一切善解種種王
正世務慧

云何菩薩此世他世樂慧當知此慧略有九
惡 瑜伽師地論卷十三
種謂諸菩薩於內明處能善明淨善安住慧

於醫方明處因明處聲明處世工業明處能
善明淨非安住慧一切菩薩即用如是於五
明處善明淨慧以為依止於他愚癡放逸怯
弱勤修正行所化有情如其次第示現教導
讚勵慶慰慧

云何菩薩清淨慧當知此慧略有十種於真實義有二種慧謂由盡所有性及如所有性取真實義故於流轉義有二種慧謂取正因果故於執受義有二種慧謂顛倒不顛倒如實了知故於方便義有二種慧謂一切所應作所不應作如實了知故於究竟義有二種慧謂雜染如實了知雜染故清淨如實了知清淨故如是菩薩五義十種差別淨慧當知是名最勝淨慧

如是菩薩極善決定無量妙慧能證菩薩大菩提果菩薩依此能圓滿慧波羅蜜多速證無上正等菩提、

復次如是六種波羅蜜多世尊彼彼素怛纜
中處處散說今於此中攝在一處略說應知
謂佛所說素怛纜中所有施波羅蜜多乃至
慧波羅蜜多或標或釋彼皆於此或自性施
廣說乃至或清淨施趣入攝受如其所應皆
當了知如是所餘如所宜說戒乃至慧趣入
攝受惡 瑜加師地論四三如其所應亦當了知又諸如來為菩薩
時所行一切菩薩行中所有無量本生相應
難行苦行當知一切與施相應依止於施如
說其施如是戒忍精進靜慮慧相應依止戒
忍精進靜慮慧當知亦尔或唯依施廣說乃
至或唯依慧或雜依二或雜依三或雜依四

或雜依五或雜依一切六波羅蜜多皆應了
知如是六種波羅蜜多菩薩為證無上正等
菩提果故精勤修集是大白法演名大白法
海是一切有情一切種類圓滿之因名為漏
施大寶泉池又即如是一切所集無量福智資糧
更無餘果可共相稱唯除無上正等菩提

本地分中菩薩地第十五

初持瑜伽處攝事品第十五

云何菩薩四種攝事 暕栞南曰

自性一切難 一切門善士 一切種遂求

二世樂清淨 如是九種相 名略說攝事

謂九種相攝事名為菩薩四種攝事一者自

性攝事二者一切攝事三者難近攝事四者一切門攝事五者善士攝事六者一切種攝事七者遂求攝事八者此世他世樂攝事九者清淨攝事

云何菩薩自性愛語謂諸菩薩於諸有情常

樂宜說悅可意語諦語法語引攝義語當知

惡 瑜伽師地論卷三

是名略說菩薩愛語自性

九

云何菩薩一切愛語謂此愛語略有三種一者菩薩設慰喻語由此語故菩薩恒時對諸有情遠難頻蹙先發善言舒顏平視含笑為先或問安隱吉祥或問諸界調適或問晝夜怡樂或命前進善來以是等相對所有情隨

世儀轉順觀人性二者菩薩設慶悅語由此
語故菩薩若見有情妻子眷屬財穀其所昌
盛而不自知如應覺悟以申慶悅或知信戒
聞捨慧增亦復慶悅三者菩薩設勝益語由
此語故菩薩宜說一切種德圓滿法教相應
之語利益安樂一切有情恒常現前以勝益
語而為饒益是名菩薩一切愛語差別應知
云何略說如是菩薩一切愛語當知此語略
為二種一隨世儀軌語二順正法教語若慰
喻語若慶悅語當知是名隨世儀軌語若勝
益語當知是名順正法教語

云何菩薩難行愛語當知此語略有三種若

諸菩薩於能殺害怨家惡友以善淨心無穢
濁心思澤為說若慰喻語若慶悅語若勝益
語當知是名菩薩第一難行愛語若諸菩薩
於其上品愚癡鈍根諸有情所心無疑慮思
擇為說種種法教誓受疲勞如理如法如善
攝取當知是名菩薩第二難行愛語若諸菩
思 瑜伽師地論四十三
薩於其誦詐欺誑親教軌範尊長真實福田
行邪惡行諸有情所無嫌恨心無恚惱心思
擇為說若慰喻語若慶悅語若勝益語當知
是名菩薩第三難行愛語
云何菩薩一切門愛語當知此語略有四種
一欲斷諸蓋向善趣者為說先時所應作法

二遠離諸蓋心調善者為說增進四聖諦等
相應正法三在家出家多於逸者無倒諫誨
方便令其出離放逸行住不放逸行四於諸
法中多疑惑者為令當來離疑惑故為說正
法論義決擇

云何菩薩善士愛語當知此語略有五種謂
諸菩薩為所化生能說如來及諸菩薩有因
緣法有出離法有所依法有勇決法有神變
法若所說法得處有因制立學處是故此法
名有因緣若所說法於所受學有毀犯者施
設還淨是故此法名有出離若所說法四依
所攝施設無倒法律正行是故此法名有所

依若所說，法能正顯示出一切苦不退還行
是故此法名有勇決若所說法作三神變一
切所說終不唐損是故此法名有神變

云何菩薩一切種愛語當知此語六種七種
摠十三種言六種者一於應聽法聞聽愛語

二於應制法遮制愛語三開示諸法法門愛
語四思開示無倒法相愛語五開示無倒訓釋

瑜加師地論卷十三

十一

諸法言詞愛語六開示無倒法句品類差別
愛語言七種者一慰喻愛語二慶悅愛語三
於他有情一切資具少希欲中一切所作及
以正至少希欲中廣恣愛語四安慰種種驚
怖愛語五如理宣說所攝愛語六為欲令他

出不善處安住善處正見聞疑舉呵愛語七
請他有力饒益愛語如是菩薩十三種語當
知名為一切種愛語

云何菩薩遂求愛語當知此語略有八種謂
諸菩薩依四淨語起八聖語是名菩薩遂求
愛語四淨語者謂離妄語及以離間麁惡綺
語八聖語者謂見言見聞言聞覺言覺知言
知不見言不見不聞言不聞不覺言不覺不
知言不知

云何菩薩此世他世樂愛語當知此語略有
九種一說正法斷親屬難愁憂愛語二說正
法斷財位難愁憂愛語三說正法斷無病難

愁憂愛語四說正法斷淨戒難衆苦愛語五
說正法斷正見難衆苦愛語六說正法讚美
淨戒圓滿愛語七說正法讚美正見圓滿愛
語八說正法讚美軌則圓滿愛語九說正法
讚美正命圓滿愛語

云何菩薩清淨愛語當知此語有二十種謂

應 瑜加師地論中三

二十相宜說正法應知如前力種姓品

十三

云何菩薩利行謂此利行廣如愛語應知其
相於利行中餘差別義我今當說謂諸菩薩
由一切品差別愛語隨說彼彼趣義利行饒
益有情故名利行

云何菩薩自性利行謂諸菩薩由彼愛語為

諸有情示現正理隨其所應於諸所學隨義
利行法隨法行如是行中安住悲心無愛染
心勸導調伏安處建立是名略說利行自性
云何菩薩一切利行當知此行略有二種一
未成熟有情能成熟利行二已成熟有情令
解脫利行即此利行復由三門一於現法利
勸導利行二於後法利勸導利行三於現法
後法利勸導利行於現法利勸導利行者謂
正勸導以法業德招集守護增長財位當知
是名於現法利勸導利行由此能令從他獲
得廣大名稱及現法樂由資具樂攝受安住
於後法利勸導利行者謂正勸導棄捨財位

清淨出家受乞求行以自存活當知是名於
後法利勸導利行中此能令決定獲得後法
安樂不必獲得現法安樂於現法後法利勸
導利行者謂正勸導令在家者或出家者漸
次修行趣向離欲當知是名於現法後法利
勸導利行由此能令於現法中得身輕安得
心輕安安樂而住於後法中或生淨天或無
餘依涅槃界中而般涅槃

思

瑜珈師地論卷三

十三

云何菩薩難行利行當知此行略有三種若
諸菩薩於先未行勝善根因諸有情所能行
利行是名第一難行利行何以故彼諸有情
難勸導故若諸菩薩於有善因現前耽著廣

大財位衆具圓滿諸有情所能行利行是名
第二難行利行何以故彼於廣大極放逸迹
極放逸處耽著轉故若諸菩薩於諸外道著
本異道邪見邪行諸有情所能行利行是名
第三難行利行何以故彼於自宗愚癡執故
於正法律憎背執故

云何菩薩一切門利行當知此行略有四種
謂諸菩薩不信有情於信圓滿殷勤勸導乃
至建立犯戒有情於戒圓滿殷勤勸導乃至
建立惡慧有情於慧圓滿殷勤勸導乃至建
立慳恪有情於捨圓滿殷勤勸導乃至建立
云何菩薩善士利行當知此行略有五種謂

諸菩薩於真實義勸導有情於應時宜勸導
有情於能引攝勝妙義利勸導有情於諸有
情柔軟勸導於諸有情慈心勸導

云何菩薩一切種利行當知此行六種七種

摠十三種云何六種謂諸菩薩若諸有情應

攝受者正攝受之若諸有情應調伏者正調

伏之惡 瑜伽師地論卷三若諸有情憎背聖教除其悲惱十四若諸有

情處中住者令入聖教若諸有情已入聖教

正於三乘令其成熟若諸有情已成熟者令

得解脫云何七種謂諸菩薩安處一分所化

有情於善資糧守護長養所謂或依下乘出

離或復依於大乘出離如今所化於善資糧

守護長養如是或於遠離或於心一境性或於清淨諸障或於修習作意正安處之若有聲聞獨覺種性即於聲聞獨覺乘中而正安處若有如來種姓有情即於無上正等菩提最上乘中而正安處

云何菩薩遂求利行當知此行略有八種謂諸菩薩見諸有情於應慚處為無慚纏之所纏繞方便開解令離彼纏如無慚纏如是見有於應愧處為無愧纏之所纏繞若惛沈纏若睡眠纏若掉舉纏若惡作纏嫉纏慳纏之所纏繞方便開解令離彼纏

云何菩薩此世他世樂利行當知此行略有

九種謂諸菩薩隨他有情依淨身業勸令遠
離一切殺生勸令遠離諸不與取勸令遠離
諸欲邪行勸令遠離一切宰羅若迷隸耶及
以末阨放逸處酒依淨語業勸令遠離一切
妄語勸令遠離諸雜間語勸令遠離諸麁惡
語勸令遠離一切綺語依淨意業勸令遠離
惡 瑜加師地論四十三
一切貪欲瞋恚邪見

十五

云何菩薩清淨利行當知此行略有十種謂
諸菩薩於諸有情依外清淨有五利行依內
清淨有五利行云何菩薩於諸有情依外清
淨有五利行一無罪利行二不轉利行三漸
次利行四徧行利行五如應利行謂諸菩薩

於諸有情雜惡行者先惡行者有罪行者雜
染行者於諸善中能正安處是名菩薩於諸
有情無罪利行又諸菩薩於諸有情不於非
解脫非定清淨處求為真解脫求為定清淨
者即於其中能正勸導是名菩薩於諸有情
不轉利行又諸菩薩於諸有情先審觀察知
劣慧者為說淺法隨轉麁近教授教誡知中
慧者為說中法隨轉處中教授教誡知廣慧
者為說深法隨轉幽微教授教誡令其漸次
修集善品是名菩薩於諸有情漸次利行又
諸菩薩於諸四姓乃至天人一切有情隨力
隨能行義利行次利樂者即於其中隨類勸

導是名菩薩於諸有情徧行利行又諸菩薩
於諸有情若於自義諸善法品隨下中上功
能差別可勸導者及由方便功能差別可勸
導者隨其所應於彼如彼方便勸導是名菩
薩於諸有情如應利行是名菩薩於諸有情
依外清淨五種利行云何菩薩於諸有情依
惡 瑜伽師地論中三
內清淨五種利行謂諸菩薩於諸有情起廣
大悲意樂現前而行利行又諸菩薩於諸有
情所作義利雖受一切大苦劬勞而心無倦
深生歡喜為諸有情而行利行又諸菩薩雖
現安處最勝第一圓滿財位而自謙下如奴
如僕亦如孝子旃荼羅子其心卑屈離憍離

慢及離我執於諸有情而行利行又諸菩薩
於諸有情心無愛染無有虛偽真實哀憐而
行利行又諸菩薩於諸有情生起畢竟無復
退轉慈愍之心而行利行是名菩薩於諸有
情依內清淨五種利行如是依於內外清淨
各五利行總有十種是名菩薩清淨利行
云何菩薩同事謂諸菩薩若於是義於是善
根勸他受學即於此義於此善根或等或增
自現受學如是菩薩與他事同故名同事所
化有情知此菩薩所修同事便於自己受學
善根堅固決定無有退轉何以故彼作是思
菩薩勸我所受學者定能為我利益安樂由

此菩薩所授我者即於其中自現行故無有
知無利益安樂自現行者非諸菩薩如是同
事勸導有情他得語言汝自於善不能受學
云何以善殷勤勸導數數教授教誡於他汝
應從他殷勤諮受教授教誡

有諸菩薩是他同事而不自顯與他同事有

思 瑜伽師地論四三

諸菩薩非他同事而自顯現與他同事有諸

十七

菩薩是他同事亦自顯現與他同事有諸菩
薩非他同事亦不自顯與他同事第一句者

謂有菩薩與諸菩薩功德威力皆悉平等於
菩薩道自謂為師功德威力與等菩薩隱自
善故而不顯已功德威力第二句者謂諸菩

薩見有下劣信解有情於甚深處心生怖畏
便正思擇為欲方便化導彼故自現已身與
其同法所謂下於旃荼羅類乃至狗類欲作
饒益欲除災患欲調欲化故思於彼旃荼羅
苟同分中生第三句者謂諸菩薩見所化者
所受善根猶可搖動為令堅住現與同事或
等或增第四句者謂諸菩薩自行放逸棄捨
他事

如是已說多種施戒廣說乃至最後同事其
中所有波羅蜜多能自成就一切佛法所有
攝事能成熟他一切有情當知略說菩薩一
切善法作業

又如前說多種施戒廣說乃至最後同事如
是衆多助菩提分無量善法由三因緣應知
現行由二因緣應知最勝由三因緣應知清
淨謂由身語意三因緣故應知現行被諸善
法由廣大故無雜染故應知最勝亦名無上
亦名不共當知此中由有情無別故事無別
惡 瑜伽師地論四三
故時無別故名為廣大有情無別者謂諸菩
薩普於一切有情處所普為一切法界有情
修行如是施等善根非專為己事無別者謂
諸菩薩普於一切及一切種施等善根精勤
受學時無別者謂諸菩薩恒常無間不離加
行不捨善軌若晝若夜現法後法即由此因

施等善根常行無替當知此中由四種相成
無雜染謂諸菩薩懷歡喜心修諸善法由是
因緣無苦無憂無諸變悔又諸菩薩不損惱
他不著見趣不雜惡行修行施等無量善根
又諸菩薩殷重遍體於其施等無量善法唯
見功德唯見真實唯見寂靜極善決定不從
他緣非餘引奪而正受學又諸菩薩不因所
修施等善法怖異熟果或轉輪王或天帝釋
或魔或梵亦不於他怖求返報無所依止不
依一切利養恭敬世俗名譽乃至不依養活
身命由如是相淨歡喜俱無不平等殷重無
依修行施等廣說乃至同利為後無量善法

名無雜染由熾然故無動轉故善清淨故應
知清淨若諸菩薩已入清淨意樂地者一切
善根熾然無動言熾然者謂此菩薩意樂淨
故一切善法不由思擇熾盛現前言無動者
謂此菩薩意樂淨故隨所獲得隨所積集所
有善法皆無退轉於當來世能無退減如是
惡 瑜伽師地論四十三
菩薩隨所經歷彼彼日夜隨所過度彼彼自
身所有善法如明分月唯增無減若諸菩薩
住到究竟地或繫屬一生最後有者所有善
法名善清淨此上更無菩薩地攝勝淨法故
如是施等同事為後無量善法三因緣故應
知現行二同緣故應知最勝三因緣故應知

清淨

此中所有一切施一切戒廣說乃至一切同
事若多修習若善清淨若具圓滿能感無上
正等菩提金剛堅固身正法久住果此中所
有難行施雖行戒廣說乃至難行同事若多
修習若善清淨若具圓滿能感如來成就無
等希奇法果此中所有一切門施一切門戒
廣說乃至一切門同事若多修習若善清淨
若具圓滿能感如來一切最勝有情天人所
供養果此中所有一切善士施善士戒廣說乃至
善士同事若多修習若善清淨若具圓滿能
感如來於諸有情無足二足四足多足有色

無色有想無想及以非想非非想處於此一
切有情類中最尊勝果此中所有的一切種施
一切種戒廣說乃至一切種同事若多修習
若善清淨若具圓滿能感如來無量殊勝福
德所攝三十有二大丈夫相八十隨好莊嚴
身果此中所有遂求施遂求戒廣說乃至遂
求同事若多修習若善清淨若具圓滿能感
如來坐菩提座一切魔怨不能惱觸不傾動
果此中所有此世他世樂施此世他世樂戒
廣說乃至此世他世樂同事若多修習若善
清淨若具圓滿能感如來最勝靜慮解脫等
持等至樂果此中所有清淨施清淨戒廣說

愿

瑜伽師地論四十三

女

乃至清淨同事若多修習若善清淨若具圓
滿能感如來四一切種清淨果謂所依淨所
緣淨心淨智淨亦感如來三不護十力四無
所畏三念住一切不共佛法極清淨果如是
菩薩施等善法能感無上到究竟果當知亦
感生死流轉順菩薩行所餘無量無邊可愛

無罪勝果

瑜伽師地論卷第四十三

惡

泯反弥忍 魅反明秘 饑饉下渠 傘屨上音散字 咽


虛器反 滇反莫經 顰蹙上音頻下 怡樂上余 唐捐

下音 詰反起一

子六反

之反

惡瑜伽師地論四三



廿一

山城國綴喜郡新村
靈瑞山酬恩菴沙門宗桂書寫之

